

叢書集成續編 第一九二冊目錄

文學類



文別集——清

東潛文稿二卷	清	趙一清撰	木犀軒	一
補希堂文集四卷附錄一卷	清	張泰來撰	沔陽	八一
二林居集二卷	清	彭紹升撰	正覺樓	一二五
七招一卷	清	洪亮吉撰	昭代	二二一
東井文鈔二卷	清	黃定文撰	四明	二二九
暢谷文存八卷附校勘記一卷	清	宋昌悅撰	胡氏豫章	二七七
梅崖文鈔一卷	清	郭兆麟著	山右	三六九
樂山集二卷附樂山先生講學圖記	清	王崧撰	雲南	三八七
芳茂山人文集十二卷	清	孫星衍撰	槐廬	四八三
問字堂集六卷附贈言一卷				四八五
岱南閣文集二卷				五七八
平津館文稿二卷				六一七
五松園文稿一卷				六八九
嘉穀堂集一卷				七一二
淵雅堂文稿一卷	清	王芑孫撰	風雨樓	七二七
匪石先生文集二卷	清	鈕樹玉撰	雪堂	七四九
賞雨茅屋外集一卷	清	曾燠撰	食舊堂	七七一

東文

潛稿

東潛文稿序

吾友趙君誠夫敦敦几案不雜他嗜讀書既多著書益廣所爲文辭日益奧衍其目之所注雖有幽蹟微隱之處皆能昭然晰之而無疑其思之所注雖有耆儒魁士之說皆能岸然闢之而不顧世之人方適適然驚其浩沔畏其風議則以爲文辭之工也云爾嗚呼吾所謂工者豈謂其能獵百氏之辭與其調哉吾未見不空百氏之所有而能謂之工者也亦未有不兼百氏之所無而能空百氏之所有者也王介甫之自言曰自百家諸子之書至於難經素問本草諸小說無所不讀農夫工女無所不問然後於經能知其大體而無疑介甫之文具

東潛文稿序

在深求其所讀與所問則固枵然無一有也夫枵然一無所有則何以謂之介甫矣而介甫之所以爲介甫者則非以其能讀之能問之而謂其能空之也誠夫之文於介甫不類世之人卒亦未嘗以介甫目之卽作者亦不敢自目爲介甫也而吾獨以爲能爲介甫之文者誠夫也何也爲已能兼百氏之所有也夫兼百氏之所有而吾卽以爲能爲介甫非爲介甫者之若此易易也爲夫無介甫之所有而妍妍然卽斬至於介甫者之多是所謂反踵御行愈求而愈不至者也而誠夫已能兼其所有若此則吾之所期於誠夫者豈徒以其能兼之矣乎而誠夫曰未能也子益我吾猶漸至乎兼之云爾杭

人杭世駿撰

東潛文稿序

東潛文稿目錄

卷上

秋水賦

瓊水樓賦

欽奉頒發大清會典頌

平西頌

洪範五行連珠

水經注釋序

遼史拾遺序

營庭錄序

春鳧詩稿序

續泉志序

募修眞武院疏引

恆游記

翼然亭記

重建龍岡書院碑記

新建定武書院碑記

重修定州全房邨螞蚱

廟碑記

重修羊太傳祖墓祠堂

東潛文稿目錄

記

松吹書堂記

小隱園記

外氏世次記

大母朱太君安葬記

重書曠亭記

宋忠義柳先生傳

明江西參議錢喜起傳

劉義士傳

趙瑾叔傳

符葯林先生傳

邢孝貞婦傳

曹烈婦傳

光祿大夫 經筵講官

工部尙書鐵巖公行狀

徵君命代作

卷下

楚莊王入陳非霸討論

楚鬬宜申爲君討賊論

吳蜀兵勢論一

吳蜀兵勢論二

吳蜀兵勢論三

蜀先主論

張昭論

陸遜論

田疇論一

田疇論二

杜預論

諸葛忠武侯隆中考

關壯繆封爵考

泰山五汶考一

泰山五汶考二

泰山五汶考三

泰山五汶考四

泰山五汶考五

盧奴水考

浙學源流考

唐書褚河南世系考

蒲將軍非棘蒲侯辨一

蒲將軍非棘蒲侯辨二

蒲將軍非棘蒲侯辨三

辨正漢書地理志一

辨正漢書地理志二

東潛文稿卷上

辨正漢書地理志三

西湖非明聖湖辨

西伯戡黎說一

西伯戡黎說二

西伯戡黎說三

補正左傳逸文二則說

讀公羊傳說

大夫奉使長子家老從

行說

徐邈中聖人說

疏消文大二邑積水議

答禹貢三江震澤問

書徐貞明遺事

敘武林金石錄遺事

書李固傳後

宋刻九經字樣跋

黃夫人詠詞

亡女哀誄

吾友復堂輯其尊甫東潛先生遺文凡若干首爲集若干卷屬余序之先生家杭州自其先世多積書世傳趙氏小山堂者也先生於書無所不讀爲考據之學深浩不可涯涘然世之稱先生者尤推其邃於地理自

國朝亭林顧氏潛江閻氏東樵胡氏諸家爲地學尤號卓絕先生既晚出博與之等而精或過之時或摘諸家之短著爲論說今猶往往散見於集中其邃於地學良然然余觀先生所爲文大抵務爲根柢故其綜攬百氏反覆辨難以歸於精核他文無不類然又非獨地理而已先生嘗著水經注釋五十二卷既行於世乾隆三十有八年有

東潛文稿卷上

詔開四庫館搜訪天下圖籍於是所著水經注釋錄入中祕而是集獨以未編輯不獲進文章之顯於世其先後遲速豈亦有數存乎其閒者耶余讀先生集尤善所言水利事以爲非經生所能道雖其事未可卒行然未嘗不偉其識觀先生書徐貞明遺事一篇指畫詳悉犁然具有本末直可施行亦可以知其言之不誣矣夫言有裨於治理乃立言之大者余故表而出之以俟後之讀先生集者南康謝啟昆

東潛文稿卷上

仁和趙一清誠夫

秋水賦

以霞散成綺江淨如練爲韻

當金鑿之司序屬桂影之漸加望盈盈其若卽思渺渺而無涯欣對夕陽波底映來一抹紅霞清氣上資於西顙元言遠契於南華此誠九秋之佳勝而觀于水者之有獨誇也若夫羨良辰之可待等物理乎同觀釣巨鰲于東海狎馴鷗于湘畔清取類于美藻明比象于銀漢來作乘槎之客機石可尋才聞唱晚之舟菱歌未散爾乃方塘凝碧宛在一泓輕雲浦遠略約溪橫景物呈露悠然目成是固宇宙之要眇而取之而莫爭也方其氣

東潛文稿卷上

斂神恬情殷興起縱孤櫂而夷猶聆清言而徙倚學人以之澄心高士以之洗耳人共樂胥具曰予美快微風之澹淡擬縠紋之如綺鏡試而不受塵侵笏滑而不汙泥滓倘雒誦乎秋水之篇直欲繼前賢之芳軌時則清霜戒寒白露橫江水石乍激飛沫交撞天風相遇聲流淙淙文成自然工在寡雙推乎行險之由攬乎涵空之勝極天地之變蕃將遊目而寓興泯知識于忘機愜素懷以相證涉川上以流連滌煩襟而逾淨已而天籟作人籟靜微涼吹柳外烟銷湛湛清華檻邊月映潛聽蟋蟀之鳴堦鶴唳長空而聲應夫水之爲物也積於太虛逕匯爲澤習坎成渠及其瀕洞浩漚又焉測其所如

斯晝夜之不舍隨盈縮於蟾蜍釋庚辛之名義每致慨

於遞運之乘除尙難窮於至道躬返息於幽居乃爲之

歌曰秋扶疎兮光縈轉水流潔兮橫匹練寫秋懷兮懷

獨真德之明兮馨可薦又歌曰石齒齒兮湍洞漩渌千

里兮駛如電波伏不驚兮風徐來江上峯青兮人不見

環水樓賦

有序

粵以上章敦牂之歲律中無射之月勃海公以盛年偉略持節瀛州使院之西偏有樓曰環水蓋九十九澗之匯流七十二沽之歸墟也徘徊瞻眺明滅似見夫蓬萊寶從風流觴詠時臨乎爽塏身非太虛之才寧堪作賦公具眉山之雅爰詔陳詞賦曰

東潛文稿卷上

神京之東九河之閒清淇洹漳滏易涑濡之水積焉滹沱嘔夷實惟大川同歸于海津流通天使院之設巖樞是專渠展之斥以煮以煎公餘宴息結樓西偏四周臨水如環之圓渺望無垠迢遙倥傯使君聽政之暇曠覽極目顧而樂之屬余樗散斐然有詞進陰鏗而琢句異王粲之登樓地分雄于畿甸郡卓犖乎方州重屋竦桀于霄漢飛清交映乎雕鏤俯察品類之冥茫恍若崇岳之視培婁也爾其層費倒影束宇相承欒檻差我以崛起井幹森布而騫騰納八風之飄颻吹萬頃之鬪鬬公玉獻明堂之圖旋築宮于汶上楊侯題水晶之句徵妙詠于吳興若夫掘鯉之淀丁字之沽聖女採樵之地郎

君撫生之區石稱神曰河號訶摩耶子願之記載嘉名
夙擅許元度之託興好景難摹揭勒據漂榆之城利盡
斥鹵阿瞞通渠洶之口澤徧離奴屈氣綽約于扶桑鸞
馭翱翔于姑餘緬茲樓之瑰怪惟一水之縈紆蘭砌金
鋪升辰上日酒肴雜陳管絃凝密學曼倩之詠諸借江
郎之綵筆張茂先敘神異之經陶宏景樂隱居之室綠
窗朱檻排雲連棧月當流處橫空匹練之秋山可招來
想像芙蓉之瓣怡情適志銷憂忘患而況心虛不競目
遠能明冰持玉瑩時和治成如鏡斯茹如衡斯平滿而
不溢巍而不傾選梁園之佳客作君子之頌聲使君曰
善吾將勒之貞珉而永以詒後人也

東潛文稿卷二

三

欽奉頒發大清會典頌有序雍正十二年

臣聞書契之作用代結繩功德之崇必由制度古制自
夏政典周官經而後明且備矣若漢官儀唐六典通典
政要會要宋政範寶訓國典治跡統類元典章通制經
世大法皆本祖訓貽爲孫謀君咨臣儆克無怠荒迨明
宏治十年始做會要集成會典刊於正德續修於嘉靖
萬歷兩朝重等球璧永垂睿哲之規撫頒示臣工盡是
賢能之法守洪惟我

太祖高皇帝丕握靈符誕膺寶錄

真人出於遼水

帝子降於龍沙躬著戎衣邁邠岐之累德手提尺劍類

豐沛之勃興

太宗文皇帝負展當陽既共懷乎

梓表御圖出震又大啟其昌期繩準陰陽方滋元氣主
持圭鬯若闢洪初

世祖章皇帝歷數承堯謳歌歸禹誕敷文德載續武功
駕馭風雲驅馳熊虎命百戰百勝之將動九天九地
之師一舉而關隴底平再舉而江南卽下旋乾轉坤左
日右月廓氛霧於寰區出黎元於塗炭中國有

聖人無思不服

王者大一統咸與維新凡此開國之勳猷悉屬當官
之紀載我

東潛文稿卷上

四

聖祖仁皇帝日新盛德天縱多能仁風翔洽於九垓惠
澤周流乎六幕紫宮運德風來南面之薰黃幄凝神星
拱北辰之照瞻海嶽以呈華協龜龍而兆慶六十年厚
澤雖丹書碧篆莫罄其詳一二日萬幾惟金匱石室乃
傳之久誠所謂建其有極蕩乎無名者矣欽惟我

皇上聰明作后兢業法天德奉三無實範圍於元化功
安九有思參象乎隆平西被東漸慶萬方之齊軌南諧
北變調六氣以咸鈞靈襟開而垂拱成寶思集而
經綸創方策布於來茲鴻編勒於昭代特命儒臣
纂修會典顯謨承烈皆有與

天合撰之庶縷晰條分無非率

祖攸行之事小大畢陳遠邇靡閒百官以之得序百姓以之平章於是和風暢玉燭調泰階平金鑑上福祚靈長神基崇峻兼道網德綱而具舉極上蟠下際以爲功良法美意奉爲儀型博采廣稽臻乎純粹臣遭逢盛世願近清光仰咫尺之

天顏觀昭回於雲漢益抒愛戴之誠共迪太和之化自慚陋質敢綴蕪詞彌著虔恭用揚懿美頌曰允矣

大清赫赫明明文教既廣鉅典用成於以慎罰於以休兵樂歌大雅厥頌始正明堂清廟黼藻絃纂修撰述定爲章程章程世守入告我

后我

東潛文稿卷上

五

后聖神惟德惟懋抱義戴仁禮耕學耨化惟日新人惟求舊爲寵爲光宣昭宇宙

至人肯出遼海之東奄有方夏薄伐西戎指揮克定告厥成功

列聖繼繩文武之澤作民父母有聞自昔既忠且厚皇天是格得其根荄威福惟辟淵渥營洛史逸作冊自時厥後代有圖籍照臨怙冒施及蠻貊航海梯山來供玉帛遵彼周行動罔不臧王道蕩蕩

聖謨洋洋知所損益陳其紀綱監於成憲不愆不忘治民祇懼受命溥將光紹休烈一有元良小臣欽翼稽首答揚萬年永保有道之長

平西頌并序

粵惟我

聖清之受命延洪也以武功平大亂以文德柔遠人薄海內外悉主悉臣制禮作樂百年於茲休養生息天幃地載

皇帝御極之二十年西戎卽敘乃駕紫虬升黃鳳秉王威臨青工殲厥渠魁脅從罔治部落裨王交臂屈鄰獻俘

太廟大赦天下甚盛烈也在昔噶爾丹考悉居西部狼顧鳴張我

東潛文稿卷上

六

聖祖仁皇帝親總六師龔行天伐禡牙授律斬溫禺而勒銘執居次以返旆不欲窮兵黷武示以寬大予以生全雜種潛滋背恩悖德策旺阿拉布坦跳梁於前準噶爾稔惡於後

世宗憲皇帝赫然震怒命衛霍之將賜韜鈴之略

嚴斥堆列亭障旛旐翼如遊龍金鼓殷而奪日梯衝翔舞鉤盾紛連甌脫不煙穹廬掃迹氣壓天驕拳縮悚惕夫以日月臨炤之明海山涵負之量視茲小醜置於畫外雖漢文之答匈奴光武之辭馬武不是過也

皇帝睿智寬聰仁武不殺神羊立陞平路生庭迺準部遺孽達瓦齊躬行弒逆黨與披離爰與問罪之師大奮乾剛之斷上膺天佑俯順輿情數亂常之虐殄安

忍之凶扶植紀綱除殘寇曠乎洗洗蕩蕩之懷納諸
皞皞熙熙之域萬帳歸心兆人悅服其有識時棄暴慕
化輸誠者金綰冠佩以榮之酒醴笙簧以樂之旌異之
典至優渥矣錫之爵祿謀及室家雉窩鼠穴敢竊窮荒
蠕動翺飛咸入編戶尊於彼俗曰天可汗奉於 中朝
日

大皇帝爾乃遊魂無所束手待誅徽索齊斧伸脰絆足
坐之纛下疊之軍鼓因風燎原以湯沃雪投石糜穀決
水建瓴駭轟嘈囂咤彭蠡後不淹時威行絕漠續
聖祖

世宗之緒廓千秋萬歲之基善繼善述孝莫大焉書曰

東潛文稿卷上

七

兼弱攻昧取亂侮亡言事有可乘也詩曰六月棲棲戎
車旣飭言時不可失也昔漢帝朝呼韓邪於甘泉宮幸
長平坂詔單于毋謁位在諸侯王上唐宗服咄摩支建
牙鬱督軍山頡利請臣爲幸靈州次於涇陽張燕高會
置朱提瓶潛泉浮酒轉受百斛鐐盜回紇數千人飲之
不能盡雖皆昭垂史冊方之今日寧足多與我

皇上用力如此之少戡亂如此之神若霖雨若安衽
席當與顓頊平黎虞舜格苗成湯祝網周文因壘比隆
齊絜三代之上區區漢唐曾何足云夫史岑漢臣也出
師猶進頌焉柳宗元唐臣也平淮西猶奏雅焉 臣浙中
下士才能不逮前人而 盛世鴻功光於往代伏讀

明詔不勝懼忤謹拜手稽首而獻頌曰於鑠

王師動而待時賊臣作孽解體分支用張撻伐誰曰不
宜螳臂之當適爲我遺 廟堂算略士夫宿飽翠蓋透
迤龍媒騾裏龜筮叶從先機之兆吉迎日逐并護北道
一月三捷星流電掃

帝曰俞哉長驅直擣纂弒之逆其惡則一

帝曰罔赦急擊勿失抱馬而迎肉袒而出汝毋狃勝汝
毋違律予惟汝功汝其往率六郡良家三輔少年引關
蹶張所向無前鳴鼓厲角揚兵九天桓桓定遠戎事克
績水涉蒲昌山踰箭筈撫劍伊吾取馬大宛延壽子公
繼此或罕乃犁其庭聿彰

東潛文稿卷上

八

天刑如入酒國醉者亦醒眉揚太白角斂狼星建表設
餌殪厥封豕車書混同咸吾赤子慈嶺榆溪近在戶
賁子優崇賞格莫比罪人斯得頭懸藁街谷蠡當尸奔
走偕來我

皇之威如霆如雷我

皇之仁如江如淮日作不順則殺其軀革面革心

後來其蘇宜禾漁澤咸拱

帝都爾爾爾爾宅爾區戎兵克詰聲教覃敷始而集
議眾口紛爭

皇心是謀惟斷乃成昆蚊感惠爲毒爲亭億萬斯年福
我

聖清

洪範五行連珠 各一首

蓋聞天一發源澤流於潤下坎爻中滿履位於北方味別作鹹音更協而成羽聲入爲聽德又合於能聰是以疇衍爲九天以錫夫夏王律中於冬神實配夫元冥黑旂辨服聿有叶光紀之名河伯效靈共推水德王之制蓋聞地二施功煥光華於炎上離中虛畫出聽治於南門作苦味殊音乃協而成徵見遠惟視德又合於能明是以議禮偶愆兩觀之災書於魯史任賢勿貳知人之哲美於唐堯

東潛文稿卷上

九

蓋聞天數惟三形乃象於曲直帝出乎震色取類於元黃味則作酸音實中而爲角事則爲貌義有當於能恭是以句芒主正青帝司年祝融代之而生物正月姬訾二月降婁大梁合之而同躔

蓋聞地數四生象乃取諸從革兌爲秋正火漸退而西流味則作辛商實中於正律言以爲事義有當於能從是以或語而偷或語而傲出諸口而卽見或辭之輯或辭之懌驗諸身而足徵

蓋聞天五生土先知稼穡之艱難洛書六篇數起黃鐘之宮律味甘而作和羹鹽梅是輔思通而希睿聖夫婦與能是以寄王四時實爲萬類之根本統元三正肇開人事之首先有坎離既濟之功水火不相射居兌震中

央之位雷雨當其時

水經注釋序

盈天地之間數物有萬而物莫不始於一說文部敘始一終亥徐楚金曰一天地之始也一氣之化也天一生水而地六成之五行之次惟水最先此易數與箕疇互相發也故水浮天而載地元氣之布濩筋脈之流通昔賢譔述尊之日經鄭氏條分詮之日注審其遠近之端詳其小大之勢於是源流之徑趣歸宿之殊區所謂經水枝水川水者百世悠悠如指諸掌唐六典云天下水泉三億三萬五十九蓋若是之夥也觀夫善長之爲人志氣剛毅故起例謹嚴博覽羣書故馳詞綯發以視江左諸公習尚浮華競誇雕組殆羞與絳灌爲伍矣後之職志方輿者如李宏憲樂永言王正仲之流莫不掇其菁華奉爲著蔡其間缺失五卷始記於崇文總目暨宋南渡中原文獻或失其傳學士大夫罕言其義雖嘗補於元刊於明日月浸久謬舛實多南州朱鬱儀中尉起而箋之疑人之所難疑發人之所未發論者以爲三百年來有數之作余愛之重之忘其固陋而爲之釋釋之云者所以存朱氏之是兼弼鄴亭之違也錄取片長便成佳證助之張目足爲快心若夫箋有繆盦則削而投之所遺漏則補之別爲刊誤不欲羈入卷中惑人視聽開闢歲月始勒成編余因思水之爲道也由人之治與

不治耳治之則爲利甚溥不治則爲患甚鉅而是書又在人之能讀與否耳善讀者追惟古帝澤水警子之心用致地平天成之業而況農田水利之興慶流於宗社澤被於生民關中鄭國之渠秦所以卒兼諸侯也塞下宜禾之府漢所以遂威絕域也陳協代龍之堰安平沁口之竭智通在我雲雨由人干戈擾攘之際曷嘗廢浚遏之勤乎且夫李冰之平瀾崖楊渙之開石牛周君光瀧水之勳張景明漳河之績載籍書之于今爲烈彼杜君卿之不揆顛末橫肆譏平鹵莽滅裂斯已過矣嗚呼八枝代絕九畫茫茫河身南徙淮不敵黃二渠不醜四瀆或亡豈天數之使然抑人謀之不臧也若乃絺章繪句躡影希聲規索枕中之祕竊侈談柄之助風斯愈下吾無取焉

東潛文稿卷上

七

遼史拾遺序

遼之有史何也金承遼元承金相次迭興元既統一區宇因命修遼史與宋金並列之而三也推其初灰牛氏之部落始廣枯骨化形載豬服豕怪誕之詞君子不道迨阿保機兼八部之雄君臣創造相與疇咨峻烈淵謀巍乎煥矣後主涼德弗克負荷興替之感亦足以昭垂史冊取鑒來茲顧當脫脫等纂輯時遼之文獻無徵簡率弗稱識者病之同里厲徵君博學好古學者稱爲樊榭先生嘗以遼史缺略太甚畢中身之業詳注而辨證

之名曰拾遺正史自史記前後漢書三國志五代史而外注者鮮矣草茅之論議未準於朝家晚近之傳聞懼違於古訓無開局辟官之詔則廩餼不給乏甲乙縹帙之藏則識見弗周其稱引淹雅論議詳正若裴松之顏師古之流因文見義爲史氏功臣指不多屈矧耶律氏發迹邊陲經綸草昧方諸前哲我任其難且余微窺先生之用心非特訂繆補亡已也蓋別有旨趣存焉當今車書混一八荒在宥大同 國之屏翰關東 國之根本幽薊涿易實畿甸洪基萬年永賴遼之舊疆視漢扶風馮翊爲尤重前事之不忘後事之師也注史之義其在斯乎其在斯乎余於先生通家年少不以余之固陋屬序于余詩曰采葑采菲無以下體先生有焉

東潛文稿卷上

三

營庭錄序

嗚呼小學之不明於世久矣音韻既殊形體亦變經史法語之文能考訂者誰乎而俗尙隨時則又莫可信從嘗記幼時舉煇字問塾師師以指畫肚久之曰字書有烹煎煎炙等字無若說也且兒曹讀書取科第四子書專經外不宜紛雜究心安用識此奇字爲余唯唯而退稍長讀昌黎陸渾山火詩云燭炮煨煇熟飛奔煇字居然入咏顧一切屏棄不令學者得窺視何耶恨余天性失記有言若忘帚之歎日取片紙錄所見聞藏之笥篋又苦其散漫無稽也思銓次而排纂之提綱挈領粗有

條緒雖文不備載義不盡舉而恆言雜用務徵來歷問出鄙意附焉名曰營庭錄以所見者小也語云不賢者識其小者某雖不賢爲之猶賢乎已昔揚子雲錄天下上計孝廉及內郡衛卒之語作爲方言其後顏之推有記俗音字顏師古有匡繆正俗趙叔向之肯綮錄焦竑之俗用雜字古人留心斯道蓋亟亟矣余又烏敢頡頏名賢妄希售世將以付之兒子教之略識大概俾侍坐於先生長者之側不至如瞽者之無相而吃者之酬答或瞠目如注射斯幸矣宋廬陵孫弈季昭氏著示兒編其自序云上不能進之於聖賢之域下不能引之於利祿之途以平生之末學示之使後世賢廣吾意不賢毋謂吾不汝誨也履齋之旨殆與余合故重述焉小子識之

東潛文稿卷上

三

春臆詩稿序

詩乾坤之清氣也作詩者非鍾夫清氣弗能爲也四時之清氣莫尚乎秋秋之爲聲也靜夜無塵天籟徐響傾耳聽之泠然善也忽焉鬱懷濤怒震蕩而不可遏駭人心目惟詩亦然濬遠者神也堅凝者質也而一以氣行之然而非專任夫氣也學以裕之情以通之識以持之理以析之體物工而性靈出於以徵內養之醇而造孤詣之極葯林先生爲詩且五十年既壽而康至老不衰匡居茆屋之下恬吟密咏以自娛樂豈非有得於兩閒

之清氣者乎編年別集傳刻者屢矣今又哀其近作將付梓人屬序於某先生與先徵君稱至交生平知己一人而已某又獲遊宗匠之門知先生最稔其學深其情摯其識高其理明粹乎冲穆之容淵乎汪洋之度蓋有德者之言而非世之絺章摘句與一切矜奇炫博靡靡曼曼之所敢希望其後塵也不才無似奚以應命無已則舉先生自言可乎皋亭看梅云吟詩厭作尋常語一字鉛華不肯安鄧尉看梅云梅花主掌春權柄風雨收將入苦吟翦燈晤對以證拈花之笑或有會於微旨也夫

續泉志序

東潛文稿卷上

四

胡君道周一日盡出所弄古錢示余中有一大錢土花活碧重暈掩質明處光可以鑑指以謂余曰此新莽貨錢之鎔也今幾二千年矣轉以乞予且曰漢書食貨志云冶鎔炊炭應劭曰鎔形容也作錢模也昔花山馬衍齋有大泉五十錢鎔朱竹垞爲之銘并著跋語題之曰范古之治器者以木曰模以土曰型以金曰鎔以竹曰範範與范通禮少儀云左右軌范乃飲太元經云矩范之動成敗之効皆取法式之意是也君之博識類如此乃復縱觀所著續洪文安公泉志辨齊大公杏爲齊大公貨定臺主衣庫錢文中王之錢爲錢中之王正訛補闕無慮數十百條蓋君夙善篆籀之學目精炯然凝神

注想勞肌分理不爽毫髮經行巷陌間見古錢輒摩挲宛轉及既得之或釋一名或解一字躍起歡呼拉友朋相欣賞其耽癡成癖又如此錢凡若干品大者完輪周郭方園肉好小者繁星碎葉難可名狀君故多才工於摹搨伸紙破墨色香具足暇則纂列代之規制考記傳之逸文草竊僭號神奇厭勝靡不該載取精之多用力之勤梁顧烜唐封演宋董道杜鎬輩莫有能過也顧君家食貧頗有囊空之歎而是纍纍者又非可以爲潤屋之資藩身之殖君獨寶之吾甚惑焉雖然君毋以古錢見棄於時勿適於用爲足深慨也以君儲畜之富稍稍流布竊恐好事者按圖求之君卽欲自珍祗而有不可

東潛文稿卷上

五

得者矣君名履泰錢塘人

募修真武院疏引

褚塘里之東北隅有院祀眞武神勑自宋南渡燬於明天啟元年崇禎六年重建規制未復湫隘不稱里之人因呼之曰小廟杭素多火患自天啟中災後環里一方得以泰寧休息者百十四年於茲矣古老相傳以爲虔奉北極佑聖元天上帝之故按五經通義及龍魚河圖昊天上帝之佐五方五帝北曰黑帝神名叶光紀精爲元武宋時封翊聖眞君嘗降言曰吾乃昊天上帝玉帝輔臣者是劉燾云其像被髮跣足仗劍擾龍道書云元帝臨元龜赤蛇建阜纛元旗與今塑不殊夫水火本相

制而實相濟立廟供神以厭赤熒怒之威其前鑿井以寓坎止之義則斯里之獲福於神久矣歲在乙卯閏月甲戌里民不戒於火勢燎灼弗可撲滅議者用春秋撤小屋塗大屋之法以遏其燄而廟竟毀廟毀而里居之完保甚眾倉卒開屋傾梁墜適中神座著絳微者咸咋指吐舌而神像迄無苗髮損院僧亟昇避他所聚數十百人力弗爲動則神之有大惠於斯里抑又明矣火既燬民之居焚者築汗者葺高棟華宇不旬日而成而神乃朝夕露處風雨之摧剝瓦礫之全集而曾莫之顧其忍諸夫淫祀弗可崇若神能禦大災捍大患又豈緇黃巫覡之所附記者可絜類而比觀哉且吾聞之人火曰火天火曰災苟神依人而人弗安神亦非所以答靈爽弭天變也在易火在天上曰大有大有之上九曰自天祐之吉無不利倘能嘉予好施非特天帝祐之實人之自祐而已謹書其緣起以爲樂善者勸

東潛文稿卷上

六

恒游記

出德勝門而北遠望諸山如列屏障行二十里曰清河源出昌平一畝泉東會沙河入白河又十里曰迴龍觀明之元福宮也永樂以後常爲駐頓之所宏治十七年築宮於此又三十里曰沙河屯其源有二一出昌平州西南五十里龍泉寺合西山諸水東流爲南沙河一出州之四家莊逕雙塔村東流爲北沙河二河分流至沙

河店東南寶家莊合注白河有城曰鞏華城亦曰鞏華
臺夾城南北有橋二沙河所分流也又北二十里爲昌
平州其東北明十三陵在焉主山曰天壽前有二小山
對峙若門名鳳凰山環山有十口一水淙淙流入沙河
又十二里曰龍虎臺臺廣二里與積栗山相對北去八
里卽居庸關南口城城當兩山之閒阻隘關山其上亭
戍列守外接關城內通盤道循城北上石磴縈紆行者
舍車徒步始得登陟關城在居庸山上因山受氏欽危
傾側重墉峻壁覘眺四遠林障邃密路才容軌漢志云
居庸塞東達盧龍碣石西屬太行常山實天下之名險
呂氏春秋淮南子皆曰天下九塞居庸其一也亦謂之
東潛文稿卷上 七

似南關元人以爲居庸北口今日北關去延慶州三十
里東南屆居庸上關西北入石門關關路狹塞一夫當
百昌平山水記云自八達嶺下視居庸關若建瓴若窺
井昔人謂居庸之險不在關城而在八達嶺也道傍一
碑刻云長水峪迤東至八達嶺迤西至岔口界岔口有
小城亦名岔道口有二路一自懷來縣歷保安州之榆
林土木雞鳴三驛至宣府爲西路一至延慶永寧縣四
海冶爲北路城當道衝故名自南口至岔道口通計四
十五里烏道羊腸俗呼關溝者也一水屈曲流水經注
之濕餘水矣濕本灤字力追反後人省田爲日改系爲
絲日下舊聞據誤本漢書欲改作溫餘水以遼金有溫
榆溫陽之名昌平又多溫泉爲證不亦惑乎自岔口城
而西地勢平曠南望關山杳然雲表又二十五里至榆
林驛堡驛在懷來衛東南三十里元置志云堡初置於
衛東羊兒峪北正統末移此隆慶二年築城周三里有
奇城外水流卽嬀川也相傳廢潘縣爲虞舜舊都皇甫
謐曰舜都蒲坂或言平陽及潘又三十里曰懷來縣初
爲衛唐曰嬀州契丹曰可汗州金州廢明改置守禦千
戶所永樂十三年曰懷來衛城外有橋橋臨嬀水又十
五里曰大沙溝沙石叢積蕩無草木余時經此適遇大
風膚受如箭鏃焉又十五里曰土木驛堡明英宗失陷
也先處也地本唐高開道據懷戎時所置之統漠鎮明

一統志云遼主遊幸嘗張大幙於此因名統幙承流俗之訛也又訛爲土木又西二十里曰沙城有巡司又西二十里曰保安州唐光啟中置新州後唐爲威塞軍治契丹曰奉聖州元爲保安州明因之漢沮陽縣在其東上谷郡治又西二十里曰雞鳴驛堡在雞鳴山下水經注曰於延水又東南逕雞鳴山西史記趙襄子殺代王於夏屋而并其土其姊代之夫人也磨笄於山而自殺代人憐之爲立祠名其山爲磨笄山每夜有野雞鳴於祠屋故亦謂之雞鳴山今山上有野屋數楹架石梁橫亘其上自下望之如窺石窗西行二里餘有石柱數行行行相比石梁在底俗云魯般與其姊賭較遲速期以

東潛文稿卷上

九

雞鳴爲候妹修廟既成而詐作雞鳴般工未就梁柱倒置其妄誕如此又三十里曰老龍背崇巒複嶺緣峭環流鑿石通道又十里曰鶴兒嶺正統末也先寇邊追犯乘輿朱勇禦之此嶺敗績死亡略盡嶺長十里谿谷窈邃洵爲設伏用奇之處矣又二十里至宣化府唐置武州領文德一縣石晉初入於契丹曰歸化城亦曰雄武軍後又爲德州金天眷初改宣德州大定七年改宣化州元初又曰宣德州中統四年升爲府明洪武四年府廢盡徙其民於居庸關內二十六年置萬全都指揮使設宣府左右前三衛二十七年築城有門四城周二十四里又有南關城周四里今日宣化府其地山川糾紛

號稱險塞邊防考居庸京師之門戶宣府又居庸之藩籬城南有洋河源出塞外又東南十五里有泥河自東北流入洋河又東流達保安州境下合桑乾河蓋從塞外來者也又西四十里曰沙嶺永樂十二年北征止頓之所又四十里曰胡家屯南去萬全左衛四里而近又四十里曰舊懷安本漢夷輿縣地唐末置懷安縣屬新州契丹屬奉聖州金屬大同府元改屬宣德府明永樂十五年以天策衛爲保安右衛治順聖州十七年移西沙城卽萬全衛之沙城也成祖北征次宿於此今尚有土城略已頽廢又二十里曰新懷安明爲衛今改縣城周九里有奇捍禦邊衝東西應援城西有昭化寺正統

東潛文稿卷上

十

十年內臣柏玉武柱建大同巡撫羅亨信撰碑記大略言邊烽寧謐遺寇遠遁表請於朝廷建寺祝釐不五稔而遭土木之禍明代闖豎弄權鎮守監軍患害與國家相終始夕照停車周覽歎息寺外有鐵獅子二嘉靖二十一年造亦二百年物矣縣南十五里曰水溝口兩山巍峙百餘丈下有水溝口河流入西洋河又燕尾河亦在縣南志云西洋河在今柴溝口堡北百步東洋河在堡東八里南洋河在堡西南五里合如燕尾然又西南有虎窩山崖際水出盛暑結爲冰柱隆冬反釋亦天地之異氣也縣西十五里曰狼山水經注曰陽樂水東南逕傍狼山西山石白色亭亭孤立超出羣山之表卽是山